

中焦篇風溫溫熱溫疫溫毒冬溫
暑溫伏暑寒濕濕溫附
秋燥
曉堂
瘧痢痘痺

溫病條辨卷二

溫病條辨卷二

興化江 埇澤之

淮陰吳鞠通先生著 後學高郵趙履齋海仙重刊

歙縣吳良憲成齋

中焦篇

風溫、溫熱、溫疫、
溫毒、冬溫、

一 面目俱赤。語聲重濁。呼吸俱粗。大便閉。小便瀇。舌苔

老黃。甚則黑有芒刺。但惡熱不惡寒。日晡益甚者。傳至
中焦陽明溫病也。脈浮洪躁甚者。白虎湯主之。脈沉數。

有力甚則脉體反小而實者大承氣湯主之暑溫溼溫

溫瘧不在此例

陽明之脉榮於面傷寒論謂陽明病面緣緣正赤火盛必克金故曰白睛亦赤也語聲重濁金受火刑而音不清也呼吸俱粗謂鼻息來去俱粗其粗也平等方是實證若來粗去不粗去粗來不粗或竟不粗則非陽明實證當細辨之粗則喘之漸也大便秘陽明實也小便清火腑不通而陰氣不化也口燥渴火燥津也舌苔老黃肺受胃濁氣不化津也甚則黑者黑水色也火極而似水也又水勝火凡五行之極盛必兼勝己之形芒刺苔久不化熱極而起堅硬之刺也倘刺軟者非實證也不惡寒但惡熱者傳至中焦已無肺證陽明者兩陽合明也溫邪之熱與陽明之熱相搏故但惡熱也或用白虎或用水氣者證同而

痰壅論諸

臟溫病獨肺

溫病有舌苔

之明文餘則

無有可見舌

苔乃胃中濁

氣竄蒸肺臟
肺氣不化而
然

脉黑也。浮洪躁甚，邪氣近表。脉浮者不可下。凡逐邪者，隨其所在，就近而逐之。脉浮則出表為順，故以白虎之金飈以退煩熱。若沉小有力，病純在裏，則非下奪不可矣。故主以大承氣。按吳又可溫疫論中云：「舌苔邊白，但見中微黃者，即加大黃，甚不可從。」雖云傷寒重在誤下，溫病重在誤汗，即誤下不似傷寒之逆之甚，究竟承氣非可輕嘗之品。故云：「舌苔老黃，甚則黑有芒刺，脉體沉實，的係燥結痞滿，方可用之。」或問：「子言溫病以手經主治，方闢用足經藥之非，今亦云陽明證者何？」陽明特非足經乎？曰：「陽明如市胃為十二經之海，土者萬物之所歸也。諸病未有不過此者。」前人云：「傷寒傳足不傳手，誤也。」一人不能分為兩截，總之傷寒，由毛竅而谿，谿肉之分理之小者，由谿而谷，谷肉之分理之大者，由谷而孫絡。孫絡絡之至細者，由孫絡而大絡，由大絡而經。此經即太陽經也。始太陽終厥陰，傷寒以足經為主，未始不關手經也。

溫病由口鼻而入鼻氣通於肺口氣通於胃肺病逆傳則為心包上焦病不治則傳中焦胃與脾也中焦病不治即傳下焦肝與腎也始上焦終下焦溫病以手經為主未始不關足經也但初受之時斷不可以辛溫發其陽耳蓋傷寒傷人身之陽故喜辛涼甘溫苦熱以救其陽溫病傷人身之陰故喜辛涼甘寒甘鹹以救其陰彼此對勘自可瞭然於心目矣

白虎湯

方見上焦篇第九頁

大承氣湯方

大黃

六錢

芒硝

三錢

厚朴

三錢

枳實

三錢

酌解

援厚朴分量
朱似傷寒論
中重用者治
溫與治寒不
同畏其燥也

水八杯先煮枳朴後納大黃芒硝煮取三杯先服一杯
約二時許得利止後服不知再服一杯再不知再服

方論此苦辛通降鹹以入陰法承氣者承胃氣也蓋
胃之爲腑體陽而用陰若在無病時本係自然下降
今爲邪氣蟠踞於中阻其下降之氣胃雖自欲下降
而不能非藥力助之不可故承氣湯通胃結救胃陰
仍係承胃腑本來下降之氣非有一毫私智穿鑿於
其間也故湯名承氣學者若真能透徹此義則施用
承氣自無弊竇大黃蕩滌熱結芒硝入陰軟堅枳實
開幽門之不通厚朴瀉中宮之實滿曰大承氣者合
四藥而觀之可謂無堅不破無微不入故曰大也非
眞正實熱蔽病氣血俱結者不可用也若去入陰之
芒硝則云小矣去枳朴之攻氣
結加甘草以和中則云調胃矣

陽明溫病脈浮而促者減味竹葉石膏湯主之。

脈促謂數而時止如趨者過急忽一蹶然其熱甚急故以辛涼透表重劑逐邪外出則愈。

減味竹葉石膏湯方

辛涼合甘寒法

竹葉 五錢、

石膏 八錢、

麥冬 六錢、

甘草 三錢、

水八杯煮取三杯。一時服一杯。約三時令盡。

陽明溫病諸證悉有而微脈不浮者小承氣湯微和

之。

以陽明溫病發端者指首條所列陽明證而言也。後凡言陽明溫病者倣此諸證悉有以非下不可。微則未至十分亢害。但以小承氣通和胃氣則愈。無庸芒硝之軟堅也。

四

陽明溫病。汗多譫語。舌苔老黃而乾者。宜小承氣湯。

汗多津液散而大便結者見乾黃譫語則結糞而然故宜承氣

五

陽明溫病無汗。小便不利。譫語者。先與牛黃丸不大

便

再與調胃承氣湯。

無汗而小便不利。則大便未定。成鞭譫語之不因燥屎可知。不因燥屎而譫語者。猶係心包絡證也。故先與牛黃丸。以開內竅。服牛黃丸內竅開。大便當下。蓋牛黃丸亦有下大便秘之功。能其仍然不下者。無汗則

著眼

危微之辨學
者其審之

外不通大小便俱閉則內不通邪之深結於陰可知
故取芒硝之鹹寒大黃甘草之甘苦寒不取積朴之
辛燥也傷寒之讖語舍燥屎無他證一則寒邪不兼
穢濁二則由太陽而陽明溫病讖語有因燥屎有因
邪陷心包一則溫多兼穢二則自上焦心
肺而來學者常須察識不可歧路亡羊也

六陽明溫病面目俱赤肢厥甚則通體皆厥不瘰癧但
神昏不大便七八日以外小便赤脉沉伏或並脉亦厥
胸腹滿堅甚則拒按喜涼飲者大承氣湯主之

此一條須細辨其的是火極似水熱極而厥之證
方可用之全在目赤小便赤腹滿堅喜涼飲定之

大承氣湯

方法見前第二頁

此亦作耑獨得處

七陽明溫病純利稀水無糞者謂之熱結旁流調胃承氣湯主之。

熱結旁流非氣之不通不用枳朴獨取芒硝入陰以解熱結反以甘草緩芒硝急趨之性使之留中解結不然結不下而水獨行徒使藥性傷人也吳又可用大承氣湯者非是。

八陽明溫病實熱壅塞爲噤者下之連聲噤者中焦聲斷續時微時甚者屬下焦。

金匱謂噤而腹滿視其前後知何部不利利之卽愈陽明實熱之噤下之裏氣得通則止但其兼證之輕重難以預料故但云下之而不定方以俟臨證者自爲採取耳再按中焦實證之噤噤必連聲緊促者胃

氣大實逼迫肺氣不得下降兩相攻擊而然若或斷或續乃下焦衝虛之噦其噦之來路也遠故其聲斷續也治屬下焦

九陽明溫病下利讞語陽明脉實或滑疾者小承氣湯主之脉不實者牛黃丸主之紫雪丹亦主之

下利讞語柯氏謂腸虛胃實故取大黃之濡胃無庸芒硝之潤腸本論有脉實脉滑疾脉不實之辨恐心包絡之讞語而誤以承氣下之也仍主芳香開竅法

小承氣湯方 苦辛通法重劑

大黃 五錢

厚朴 二錢

枳實 一錢

溫邪熱燥
補減原方

數極見鬱

水八杯煮取三杯先服一杯得宿糞止後服不知再服
調胃承氣湯 熱淫於內治以鹹寒佐以甘苦法

大黃 三錢

芒硝 五錢

生甘草 二錢

牛黃丸

方論並見上焦篇第十七頁

紫雪丹

方論並見上焦篇第十八頁

⑩溫病三焦俱急大熱大渴舌燥脉不浮而躁甚舌色
金黃痰涎壅塞甚不可單行承氣者承氣合小陷胸湯主
之

三焦俱急謂上焦未清已入中焦陽明大熱大渴脉躁苔焦陽土燥烈煎熬腎水不下則陰液立見消亡下則引上焦餘邪陷入恐成結胸之證故以小陷胸合承氣湯滌三焦之邪一齊俱出此因病急故方亦急也然非審定是證不可用是方也

承氣合小陷胸湯方 苦辛寒法

生大黃 五錢

厚朴 二錢

枳實 二錢

半夏 三錢

桔梗 三錢

黃連 二錢

水八杯。煮取三杯。先服一杯。不下再服一杯。得快利止。後服。不便再服。

瀉藥即能通
便此法最穩
最妙

此亦從矣甘

⊕陽明溫病無止焦證數日不大便當下之若其人陰
素虛不可行承氣者增液湯主之服增液湯已周十二
時觀之若大便不下者合調胃承氣湯微和之

此方所以代吳又可承氣養榮湯法也妙在寓瀉於
補以補藥之體年瀉藥之用既可攻實又可防虛余
治體虛之溫病與前醫誤傷津液不大便半虛半實
之證專以此法救之無不應手而效○微按二十年
來予以此法救溫病體虛之當下者取效屢矣頗以
為獨得之奇而不知鞠通之有是方也所見略同
增液湯方 鹹寒苦甘法

元參

一兩

麥冬

八錢

細生地

八錢

章湯變花出
之

水八杯煮取三杯口乾則與飲令盡不更再作服

方論溫病之不大便不出熱結液乾二者之外其偏
於陽邪熾甚熱結之實證則從承氣法矣其偏於陰
虧液涸之半虛半實證則不可混施承氣故以此法
代之獨取元參爲君者元參味苦鹹微寒壯水制火
通二便啟腎水上潮於天其能治液乾固不待言本
經稱其主治腹中寒熱積聚其並能解熱結可知麥
冬主治心腹結氣傷中傷飽胃絡脈絕羸瘦短氣亦
係能補能潤能通之品故以爲之佐生地亦主寒熱
積聚逐血痺用細者取其補而不膩無能走絡也三
者合用作增液行舟之計故湯名增液但非重用不
爲功○本論於陽明下證時立三法熱結液乾之大
實證則用大承氣偏於熱結而液不乾者旁流是也
則用調胃承氣偏於液乾多而熱結少者則用增液
所以迴護其虛務存津液之心法也○按吳又可純

延至數月延
至歲餘愈以
爲元氣素虛
不復歸咎於
作俑之人矣
痛哉
亦實有之理
非薄責前人
也

恃承氣以爲攻病之具用之得當則效用之不當其
弊有三一則邪在心包陽明兩處不先開心包徒攻
陽明下後仍然昏惑譫語亦將如之何哉吾知其必
不救矣二則體虧液涸之人下後作戰汗或隨戰汗
而脫或不蒸汗徒戰而脫三者下後雖能戰汗以陰
氣大傷轉成上嗽下泄夜熱早涼之怯證補陽不可
救陰不可有延至數月而死者有延至歲餘而死者
其死均也在又可當日溫疫盛行之際非尋常溫病
可止又初創溫病治法自有矯枉過正不暇詳審之
處斷不可概施於今日也本論分別可與不可與可
補不可補之處以俟明眼裁定而又爲此接語於後
奉商天下之欲按是證者至若張氏喻氏有以甘溫
辛熱立法者溼溫有可用之處然須兼以苦泄淡滲
蓋治外邪宜通不宜守也若厥溫溫熱溫疫溫毒斷
不可從

恐誤認陰也

陽明溫病下後汗出當復其陰。益胃湯主之。

溫熱本傷陰之病。下後邪解汗出。汗亦津液之化。陰液受傷。不待言矣。故云當復其陰。此陰指胃陰而言。蓋十二經皆稟氣於胃。胃陰復而氣降得食。則十二經之陰皆可復矣。欲復其陰。非甘涼不可。湯名益胃者。胃體陽而用陰。取益胃用之義也。下後急議復陰者。恐將來液虧燥起而成乾咳身熱之怯語也。

益胃湯方 甘涼法

沙參 三錢

麥冬 五錢

冰糖 一錢

細生地 五錢

玉竹 一錢五分
分炒香

水五杯。煮取二杯。分兩次服。渣再煮一杯服。